

Bosna i Hercegovina
Federacija Bosne i Hercegovine
Srednjobosanski kanton
OPĆINA GORNJI VAKUF – USKOPLJE
OPĆINSKO VIJEĆE

Broj: 01-05- /18
Datum, 28.12.2018.godine

Z A P I S N I K

sa 16. sjednice V saziva Općinskog vijeća općine Gornji Vakuf – Uskoplje, održane 20. decembra 2018. godine u Velikoj sali općine Gornji Vakuf - Uskoplje, sa početkom u 10⁰⁰ sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijjić Senad, Pomoćnici načelnika – Milić Nikola, Sofić Osman, Matijanić Branko, Šišić Suad, Šain Branko, ovlaštjeni predstavnik SDA Adis Agić, OSCE Terenski ured Travnik Hadžić Amir, predstavnici medija-RTV Bugojno

Krajina M.-predsjedavajući OV-a

- Predsjednik Općinskog vijeća gospodin Goran Batinić danas je bio u nemogućnosti da danas prisustvuje i vodi ovu sjednicu, pa je ovlastio mene da danas predsjedavam sjednicom
- Prije samog početka sjednice zamolio bih sekretara Općinskog vijeća da izvrši prozivku

Sekretar općine Prijjić Senad, je izvršio prozivku prisutnih vijećnika, tako da je na sjednici u vrijeme prozivke bilo prisutno 20 vijećnika i to: Idrizović Dževad, Manjgo Ramiz, Petrović Haris, Čaušević Merhila, Gafić Maid, Ramić Adnan, Brzika Amra, Musa Derviš, Pidro Muris, Hadžiahmetović Dijamin - SDA, Krajina Marinko, Herceg Josip, Novaković Ana, Jurina Danijela, Posavac Ivo, Novaković Marin, Žuljević Ivica – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Karamustafić Naser i Kičin Kadir-SDP, Dedić Šeherzada – nezavisna vijećnica, Puljarga Sabahudin-SBB

Vijećnik Idrizović Dževad -SDA došao je na sjednicu nakon izvršene prozivke u 10²⁰

Odsutna su bila 2 vijećnika; Batinić Goran i Elez Berislav, vijećnici Hrvatske liste HDZ BiH, HDZ 1990, HSP BiH i HSS Stjepan Radić

Predsjedavajući Općinskog vijeća Gornji Vakuf – Uskoplje Krajina Marinko dao je na usvajanje sljedeći

DNEVNI RED:

1. Vijećnička pitanja.
2. Usvajanje Zapisnika sa 15. sjednice Općinskog vijeća Gornji Vakuf-Uskoplje.
3. Prijedlog Odluke o izmjeni Odluke o sastavu V saziva Općinskog vijeća Gornji Vakuf-Uskoplje.
4. Prijedlog Budžeta Općine Gornji Vakuf-Uskoplje za 2019.godinu.
5. Prijedlog Odluke o izvršenju budžeta Općine Gornji Vakuf-Uskoplje za 2019. godine.
6. Prijedlog Odluke o privremenom finansiranju Općine Gornji Vakuf-Uskoplje za razdoblje od 01. 01. do 31. 03. 2019. godine – skraćeni postupak.
7. Nacrt Programa rada Općinskog vijeća Gornji Vakuf-Uskoplje za 2019. godinu.
8. Informacija o stanju zaštite i spašavanja u općini Gornji Vakuf-Uskoplje u 2018. godini.
9. Informacija o stanju putne infrastrukture na području općine Gornji Vakuf-Uskoplje u 2018. godini.
10. Informacija o stanju u osnovnom i srednjem obrazovanju na području općine Gornji Vakuf-Uskoplje.
11. Prijedlog Odluke o prodaji zemljišta u državnom vlasništvu EIG produkt d.o.o. Donji Vakuf.

Diskusije:-

Predloženi Dnevni red usvojen sa većinom glasova (19 «za» , 1 „protiv”, 0 „suzdržanih”)

Ad. 1.

Vijećnička pitanja

Odgovori na Vijećnička pitanja

Kadir Kičin - SDP BiH

- Zadovoljan odgovorima

Marinko Krajina - HL

- Zadovoljan odgovorima

Merhila Čaušević - SDA

- Zadovoljna odgovorom

Nova vijećnička pitanja:

Kadir Kičin - SDP BIH

1. Molim Vas da nam dostavite izvještaj o izvršenju Projekta rekonstrukcije Gradske ulice ! Da li su ispoštovani rokovi, iz kojih izvora sredstava se finansira I faza rekonstrukcije ako u Budžetu nema kreditnih zaduženja ?
2. Šta su Općina i općinski Načelnik poduzeli po pitanju prolaska Regionalnog projekta plinovoda kroz našu općinu ?
3. Tražim od "OV-a Gornji Vakuf-Uskoplje" da zauzmemo stav, za što brže i efikasnije asfaltiranje regionalnog puta Bistrička Rika, ako znamo da je već u ranijem periodu Vlada SBK kreditno zadužila stanovnike SBK !
4. Koji će stav Općina i općinski Načelnik Gornji Vakuf-Uskoplje zauzeti po pitanju zatvaranju rudnika "Gračanica" i premještanja na drugu lokaciju ?

Ivo Posavac - Hrvatska lista

1. Tko je odgovoran za „rad“ odnosno nerad zimske službe, koliko izvođač radova zimske službe posjeduje strojeva za čišćenje snijega i kako je moguće da ni nakon tri, četiri dana postoje ulice u gradu koje nisu očišćene ?

Naser Karamustafić - SDP

1. Ko je zadužen za čišćenje trotoara u općini Gornji Vakuf-Uskoplje i zašto to ne uradi na ispravan način?
2. Ko je kriv za ne"čišćenje" ulica u općini Gornji Vakuf-Uskoplje, preduzeće koje je nesposobno ili ne može to da uradi, ili možda mi koji smo dali monopol tom preduzeću da to radi ?
3. Zašto nema vode u pojedinim svlačionicama u sportskoj dvorani i zašto dvorana nije zagrijana i ako su svi termini uredno plaćeni ?

Amra Brzika - SDA

1. Može li se promijeniti redoslijed odvoza otpada, smeća u centru grada, jer je uočeno da se smeće odvozi kasnije kada već u gradu nastaju gužve ili da se odvoz smeća radi navečer od 12-8 (druga smjena) ?

Šeherzada Dedić - nezavisna vijećnica

- Na prošloj sjednici Općinskog vijeća tražila sam očitavanje o zloupotrebi ovlasti predsjedavajućeg Općinskog vijeća. Nikada nisam dobila adekvatan odgovor, tražila sam da se stavi na dnevni red ali to nije urađeno i zbog toga sam bila protiv predloženog dnevnog reda današnje sjednice.
- Ponovo tražim i ponovo ću tražiti da se Općinsko vijeće očituje o povjerenju predsjedavajućem Općinskog vijeća Goranu Batiniću

Krajina M.-predsjedavajući OV-a

- I na prošloj sjednici Općinskog vijeća kada se raspravljalo o dnevnom redu, vijeće je se oglasilo o Vašem zahtjevu koji nije dobio potrebnu većinu

Usmeni odgovori na vijećnička pitanja

Nije bilo usmenih odgovora na vijećnička pitanja

Ad. 2.

Usvajanje Zapisnika sa 15. sjednice Općinskog vijeća

Diskusije:-

Zapisnik sa 15. sjednice Općinskog vijeća je usvojen sa većinom glasova(19 «za» , 1 „suzdržan”, 0 „protiv”)

Ad. 3.

Prijedlog Odluke o izmjeni Odluke o sastavu V saziva Općinskog vijeća Gornji Vakuf-Uskoplje.

Prijić S.-ispred predlagača

- Dao je kratko obrazloženje Prijedloga Odluke o izmjeni Odluke o sastavu V saziva Općinskog vijeća Gornji Vakuf-Uskoplje.

Diskusije:-

Prijedlog Odluke o izmjeni Odluke o sastavu V saziva Općinskog vijeća Gornji Vakuf-Uskoplje usvojen jednoglasno sa (20 „za”)

Vijećnik Musa Derviš da je svečanu izjavu

Ad. 4.

Prijedlog Budžeta Općine Gornji Vakuf-Uskoplje za 2019.godinu.

Milić N.-ispred predlagača

- Dao je kratko obrazloženje prijedloga Budžeta Općine Gornji Vakuf-Uskoplje za 2019.godinu.
- U tabeli na 3. strani desila se jedna formalna greška u dijelu teksta stoji;... *raspored i doznake budžeta za 2018 godinu...*, a treba;... *raspored i doznake budžeta za 2019 godinu*
- Također u tabeli Rashodi u stupcu broj 4. imamo tehničku grešku, piše 6. a logično je da iza 1,2, 3, *bude 4 a ne 6*

Diskusije:

Gafić M.-ispred komisije za budžet, finansije i ekonomska pitanja

- Komisija za budžet, finansije i ekonomska pitanja na svojoj sjednici održanoj 18.12. 2018. godine razmatrala je Prijedlog Budžeta Općine Gornji Vakuf-Uskoplje za 2019.godinu., komisija je primjetila ove dvije greške u rashodovnoj strani koje je spomenuo Nikola u svom izlaganju, te su greške tehničke prirode i one su bile i u Nacrtu budžeta i nisu bile ispravljene
- Komisija je otkrila grešku i u kontu 613 811-Index; treba pisati 100 a ne 0
- Uz ove tehničke greške komisija za budžet, finansije i ekonomska pitanja daje pozitivno mišljenje na prijedlog Budžeta Općine Gornji Vakuf-Uskoplje za 2019.godinu, te predlaže Općinskom vijeću da ga usvoji.

Krajina M.-predsjedavajući OV-a

- Prije same rasprave o prijedlogu Budžeta Općine Gornji Vakuf-Uskoplje za 2019.godinu želim Vas upoznati da po članu 117. Poslovnika o radu svi ovlašteni predlagači mogli su dostaviti amandmane na prijedlog Budžeta za 2019 godinu.
- S obzirom da u tom roku nije došao ni jedan amandman, neki su klubovi vijećnika dostavili amandmane ali kasnije izvan roka, tako da shodno članu 117. Poslovnika o radu Općinskog vijeća nismo ih mogli prihvatiti

Kičin K.-SDP

- Naša općina stoji na katastrofalnom nivou što se tiče socijalne karte naše općine, što se tiče zapošljavanja, što se tiče čišćenja, što se tiče bilo koje sfere života naših sugrađana mi smo na najnižim granama. Pitam Vas gledajući ovaj budžet šta smo mi to izdvojili za naše sugrađane, ništa, opet smo prebacili na ono „ostalo“, ne znamo gdje je otišlo i kako je otišlo.
- Gledajući Službeni glasnik općine možemo vidjeti da neke porodilje dobijaju po dva puta, finansiramo neke ljude iz Bugojna, pitam se hoćemo li išta izdvojiti za naše sugrađane, ovo je smiješno. Trebamo se svi zauzeti ne samo SDP i našim sugrađanima donijeti nešto dobro nešto lijepo.

Karamustafić N.-ispred kluba SDP-a

- Mi ispred kluba nećemo podržati prijedlog Budžeta općine za 2019 godinu
- Na zadnjoj strani ovog prijedloga stoji;...ugovorene usluge planiraju se u iznosu od 973 000,00 KM, 92 % više nego što je bilo planirano u budžetu općine za 2018 godinu. Interesuje me koje su to ugovorene usluge
- Subvencija Javnim preduzećima smanjiva se 15 % dok privatnim preduzećima ostaje ista. Nije mi jasno zašto mi da guramo privatna preduzeća a javnim ukidamo. Možda smo trebali malo više podržati naše JKP „Radovina“ pa bi nam ulice bile čišće, malo više podržati Crveni križ pa da otvori Javnu kuhinju, svijet nam je gladan
- Nije bitno ko predlaže amandmane važno je da se nešto odradi za ovaj narod, za građane, za sve, i zato mi nećemo glasati za ovaj prijedlog budžeta za 2019 godinu.

Manjgo R.-SDA

- Ponosan sam što sam vijećnik Općinskog vijeća evo drugi mandat, nije nikome replika ali mi je drago da mogu kazati da je naša općina odradila najviše poslova u SBK-a čak i u Federaciji BiH.
- Prije 5-6 godina moje selo gdje ja živim je moglo samo sanjati o asfaltu a evo sada se hoće napraviti stadion, mogu reći samo hvala im.
- Pogotovo sam ponosan što se radi jedan ovakav projekat kao što je rekonstrukcija „Gradske“ ulice i poprečnih ulica, moramo to prepoznati i moramo biti ponosni zajedno sa našim Načelnikom i sa ljudima iz općine što je to tako.

Karamustafić N.-replika

- U pravu ste sto posto, jest asfalt u Zastinju jest asfalt u Privoru, ali dođite petkom u Gornju mahalalu na „Džumu“, kad se snijeg otopi pa ćete vidjeti u kakvom je stanju ulica između „Gradske“ i „Vrbaske“, sve će Vam se samo kazati.

Kičin K.-replika

- Lijepo je što u Privoru imamo asfalt ali bi bilo ljepše da imamo fabriku, asfalt bi došao sam, kroz poreze radnika imali bi asfalt a ne kroz kreditna zaduženja.
- Nije u pitanju samo asfalt, tu je i škola, koliko ima djece u Privoru, koliko ima zaposlenih u Privoru, koliko ima registrovanih auta u Privoru, doduše za Privor se najviše finansija i izdvaja i ode iz općine, treba se zapitati kakvo je stanje u drugim ruralnim sredinama.

Manjgo R.-odgovor na repliku

- Ja dobro znam u kakvom je stanju ulica u Gornjoj mahali još iz vremena kada je Agić Dževad bio Načelnik, ovo što radi sadašnji Načelnik je za sve pohvale
- Kad je u pitanju Privor, smatram da ne treba da iznosite paušalne ocjene kako se ništa ne radi, jer to nije tačno.

Herceg J.-ispred kluba HL

- Vratio bih se u ono vrijeme kada smo imali budžet općine negdje oko 1 800 000,00 KM, kada smo izvršenje budžeta imali od nekih 75 %, kada nam je falilo novaca za osnovne stvari (nedostajalo je sredstava za plate zaposlenih), nije bilo lako ali ne možemo reći da nismo išli lagano prema gore, sada kažemo da je taj budžet skoro za četiri puta veći u odnosu na budžet od prije 15 godina, radilo se koliko je bilo moguće.
- Ako se predloženi budžet ispuni od nekih 85 % bit ćemo prezadovoljni a mislim da su zadovoljni i naši građani. To se najbolje može vidjeti kroz školstvo, kroz sport, infrastrukturu, svugdje se vidi prisutnost ovog našeg budžeta i onoga čime se mi bavimo.

- Mi ispred kluba ćemo podržati ovaj budžet za 2019 godinu

- Ne možemo reći da smo nezadovoljni, ne možemo reći da niko ništa ne radi, možemo shvatiti opoziciju da ona uvijek ima svoje primjedbe i treba ih imati, ali mislim kad sve ukupno pogledamo da imamo jednu stabilnu situaciju i ekonomsku i političku.

Karamustafić N.-replika

- Ja jesam opozicija ali nikad nisam ništa tražio kao opozicija, tražio sam uvijek kao vijećnik koji je biran od svih, bez obzira na vjeru, boju kože, nacionalnost i dr. Ja hoću da bude bolje građanima naše općine, Vi kažete da je dobro, Ja kažem da nije dobro. Ima dosta ljudi koji nemaju šta jesti.
- Predložio bih da ovu našu današnju dnevnicu damo ljudima koji nemaju šta jesti i koji su u stanju socijalne potrebe.

Herceg J.-odgovor na repliku

- Sigurno je da ćemo uvijek imati onih koji nemaju, trebamo misliti o njima ali će ih uvijek biti. U jednom Parizu kada dođete nećete nigdje vidjeti više beskućnika.
- Uvijek ćemo imati ako se okrenemo oko svojih kuća one kojima je nešto potrebno, uvijek će biti i ima dosta dobrih ljudi koji razmišljaju o njima i koji im pomažu.

Idrizović Dž.-ispred kluba SDA

- Moram reći da me je zaparala ova rečenica kolege Kičina da je stanje katastrofalno u općini. Da treba ukazivati na neke stvari, treba ali se nemogu složiti da je toliko katastrofalno kako se prikazuje.
- Kad je u pitanju zapošljavanje mogu slobodno reći da općina Gornji Vakuf-Uskoplje ima problem sa radnom snagom, zašto se ljudi ne prijavljuju neznam, ali mislim da to nema neke veze sa budžetom.
- Smatram da nije loše da se više podržavaju privrednici nego Javne ustanove
- Kada je u pitanju izdvajanje za našu općinu, priustvo budžeta je vidljivo, od naše Dvorane, nove zgrade Općine, vodovoda u pojedinim mjesnim zajednicama, stipendije su redovne, izdvajanja za pororodilje su povećana, sanacija korita rijeke Vrbas, rekonstrukcija glavne ulice a jedna od najljepših sportskih priča je uspjeh MRK „Sloga“ , gdje je prisustvo Općinskog načelnika kroz budžet, gdje se finansiraju aktivnosti svih sportskih klubova naše općine.
- Slažem se da treba biti kritika ali da budžet nije ravnomjerno raspoređen to se neslažem
- Klub SDA će podržati prijedlog Budžeta općine za 2019 godinu

Čaušević S.-Općinski načelnik

- Mislim da svako ima svoje mišljenje o budžetu a pogotovo o stanju u općini, to nije uopšte sporno ali da bi iznosili neke podatke moramo imati neke uporedne pokazatelje sa susjednim općinama i statističkim podacima u tim općinama.
- Mogu reći da mi držimo 12-13 godina ovaj budžet likvidnim, znači da nikome ova općina nije dužna ni marke, da servisira sve svoje obaveze, sredstva su ravnomjerno raspoređena kada je u pitanju rashodovna strana budžeta, 20% sredstava ide na stavku transferi neprofitnim organizacijama i pojedincima, sportu to nije malo.
- Kapitalne investicije su u našoj općini 27% (od 25-30 % je razvojni budžet), u ovoj godini one će iznositi negdje oko 1 500 000,00 KM do 1 700 000,00 KM i gledajući ovaj naš budžet kakav mi imamo sigurno je da je to veliki iznos a pored toga servisiramo sve obaveze prema građanima
- Ugovorene usluge su se povećale za nekih 192%, to je N. Milić objasnio u svom izlaganju, Kod 613 997-Izdaci za PDV, iznos od 460 000,00 KM (mi smo potrošili kreditnih sredstava negdje oko 360 000,00 KM, 2 700 000,00 KM nam je ostalo i kad uzmete PDV na taj iznos onda će se dobiti ova cifra od 460 000,00 KM). Uglavnom ta cifra je prenesena i u prihodovnoj strani jer očekujemo i povrat PDV-a na ova kreditna sredstva.
- Nadam se da će izvršenje budžeta u 2019 godini biti nekih 75-80% i očekujemo izvršenje budžeta od nekih 5 500 000,00 KM do 6 000 000,00 KM.

Prijedlog Budžeta Općine Gornji Vakuf-Uskoplje za 2019 godinu usvojen sa većinom glasova (17

„za", 2 „protiv", 2 „suzdržana")

Ad. 5.

Prijedlog Odluke o izvršenju budžeta Općine Gornji Vakuf-Uskoplje za 2019. godine.

Milić N.-ispred predlagača

- Dao je kratko obrazloženje Prijedloga Odluke o izvršenju budžeta Općine Gornji Vakuf-Uskoplje za 2019. godine

Diskusije:

Gafić M.-ispred komisije za budžet, finansije i ekonomska pitanja

- Komisija za budžet, finansije i ekonomska pitanja na svojoj sjednici održanoj 18.12. 2018. godine razmatrala je Prijedlog Odluke o izvršenju budžeta Općine Gornji Vakuf-Uskoplje za 2019. godine., komisija daje pozitivno mišljenje na Prijedlog Odluke o izvršenju budžeta Općine Gornji Vakuf-Uskoplje za 2019. godine, te predlaže Općinskom vijeću da ga usvoji.

Prijedlog Odluke o izvršenju budžeta Općine Gornji Vakuf-Uskoplje za 2019. godine usvojen sa većinom glasova (17 „za", 3 „protiv", 1 „suzdržan")

Ad. 6.

Prijedlog Odluke o privremenom finansiranju Općine Gornji Vakuf-Uskoplje za razdoblje od 01. 01. do 31. 03. 2019. godine – skraćeni postupak.

Čaušević S.-Općinski načelnik

- Pošto smo usvojili Prijedlog Budžeta Općine Gornji Vakuf-Uskoplje za 2019.godinu povlačimo Prijedlog Odluke o privremenom finansiranju Općine Gornji Vakuf-Uskoplje za razdoblje od 01. 01. do 31. 03. 2019. godine.

Ad. 7.

Nacrt Programa rada Općinskog vijeća Gornji Vakuf-Uskoplje za 2019. godinu.

Prijjić S.-ispred predlagača

- Dao je kratko obrazložene Nacrta Programa rada Općinskog vijeća Gornji Vakuf-Uskoplje za 2019. godinu.

Diskusije:-

Nacrt Programa rada Općinskog vijeća Gornji Vakuf-Uskoplje za 2019. godinu usvojen je sa većinom glasova (18 „za", 3 „protiv" 0 „suzdržanih")

Ad. 8.

Informacija o stanju zaštite i spašavanja u općini Gornji Vakuf-Uskoplje u 2018. godini

Šain B.-ispred izvjestioca

- Dao je kratko obrazloženje Informacije o stanju zaštite i spašavanja u općini Gornji Vakuf-Uskoplje u 2018. godini

Diskusije:

Manjgo R.-SDA

- Čitajući ovu Informaciju uočio sam da se u tekstu koristi termin „Županija“ koji je neustavan naziv i mišljenja sam da to treba ispraviti

Gafić M.-SDA

- Mišljenja sam da bi bilo dobro da u ovoj Informaciji prije napišete puni naziv pa onda da stavite skraćenicu (MES, NUS i dr.) da bi mi znali o čemu se radi
- U ovoj Informaciji stoji da je Vatrogasna jedinica imala 40 intervencija u 2018 godini, bilo bi dobro da stavite i usporedbu za prethodnu godinu da bi mogli nešto usporediti ovako ne znamo da li se smanjio ili se povećao broj intervencija u odnosu na prethodnu godinu
- U dijelu Administrativni poslovi naveli ste da ste dobili sredstva od Kantonalne uprave civilne zaštite i da ste ta sredstva uložili u strukturu općine, dobro bi bilo da ste naveli koliki je to iznos sredstava i u šta su tačno uložena

Idrizović Dž.-SDA

- Imam jedno pitanje za „Gorsku službu spašavanja“ koja je tu koordinacija, dali je ima i kako saradujete, ne znam da li ste naveli u ovoj Informaciji koja je to oprema i sredstva kojima raspolazete (radio uređaji, vozila i dr.)

Šain B.-odgovori

- Stvarno nisam znao da se ne koristi termin „Županija“, primjedba je na mjestu i to se neće ubuduće dešavati
- Kad su u pitanju ove skraćenicе „MIS“, „NUS“ mislio sam da svi znamo o čemu se radi ali nije problem da se ubuduće stavlja puni naziv
- Kad je u pitanju „Gorska služba spašavanja“ oni nisu direktno kod nas u Službi ali saradujemo, dobit će prostorije a Načelnik finansijski podrži njihove zahtjeve za nabavku opreme i ostalog

Karamustafić N.-SDP

- Pošto sam ja član „Gorske službe spašavanja“ mi smo pri Kantonalnoj i Federalnoj upravi civilne zaštite i ima nas sedam koji smo prijavljeni
- Što se tiče općine načelnik nam je uvijek izlazio u susret kao i crveni križ općine, samo bi saradnja bila još bolja kada bi nam Služba civilne zaštite pomogla oko nabavke opreme

Krajina M.-predsjedavajući OV-a

- Dajem na usvajanje sljedeći Zaključak: Prihvata se Informacija o stanju zaštite i spašavanja u Općini Gornji Vakuf-Uskoplje u 2018. godini, Službe za civilnu zaštitu Općine Gornji Vakuf-Uskoplje

Zaključak o Informacija o stanju sporta i kulture na području općine Gornji Vakuf – Uskoplje za 2018. godinu usvojen je sa većinom glasova (20 „za“, 1 „suzdržan“, 0 „protiv“)

Ad. 9.

Informacija o stanju putne infrastrukture na području općine Gornji Vakuf-Uskoplje u 2018 godini.

Šišić S.-ispred izvjestioca

- Dao je kratko obrazloženje Informacije o stanju putne infrastrukture na području općine Gornji Vakuf-Uskoplje u 2018 godini.

Diskusije:

Karamustafić N.-SDP

- Šta ćete učiniti za nečišćenje ulica na općini Gornji Vakuf-Uskoplje
- Kada će se asfaltirati ne „krpanje“ rupa u ulici kod „Gornje džamije“ ulica između „Gradske“ i „Vrbaske“ ulice (ranije se zvala ul. „12 juli“)

Šišić S.-odgovori

- Što se tiče zimskog održavanja puteva svi smo svjesni kakvo je bilo održavanje, napomenut ću da se svake godine raspiše tender u „LOT-ovima“, međutim privatnik koji je radio jedan „LOT“ odustao je tako da je JKP „Radovina“ preuzelo njegov „LOT“, sada JKP „Radovina“

održava oko 2/3 puteva općine. Znamo kakvu mehanizaciju ima, organizaciju i ostalo i mislim da je najveća zamjerka radu JKP „Radovina“ zbog nedovoljne mehanizacije,

nedovoljne opremljenosti a mislim da je i snijeg bio toliko velik da je se mogla proglasiti „Prirodna nesreća“

- Projektom rekonstrukcije „Gradske“ ulice predviđeno je asfaltiranje i te ulice, samo neće možda biti u prvoj fazi nego će biti u drugoj fazi

Karamustafić N.-replika

- Koliko znam JKP „Radovina“ ima šest mašina. Da su radili sa tih šest mašina mogli su obić prostor cijele općine i uzduž i poprijeko, moja ulica se onda ne bi čistila u četiri sata poslije podne. Ovdje se ne radi samo o mehanizaciji ovdje se radi o neradu, svi smo mi ovdje odgovorni zašto je to tako. Interesuje me šta ćete poduzeti protiv menadžmenta JKP „Radovina“ koje nije uradilo posao kako je trebalo da uradi

Novaković M.-HL

- Svi smo svijesni kakav je snijeg pao, nisam bio ovdje kada je padao, kada sam se vratio iznenadio sam se količinom snijega
- Putevi u nekim mjestima gdje živi 300-400 stanovnika u nedelju nisu bili očišćeni, bili su bukvalno „osječeni“
- Smatram da trebamo nešto uraditi da nam se ovo u budućnosti nebi opet dešavalo
- Mislim da trebamo znati šta su prioriteti i koje puteve treba prvo čistiti (to su Dom zdravlja, Policijska stanica, Škole, Dječji vrtić)

Posavac I.-HL

- Nejasno mi je da 70% posla zimskog održavanja puteva dobije firma koja kaže pokvario joj se kamion. Imamo toliko privatnika sa posipačima , sa grnjama, sa kombinirkama i dr. Zar se nije u tom trenutku moglo uključiti još neko i da im se to plati. Trebalo je uvesti druge izvođače, treba provjeriti sa čime raspolažu, koju opremu i mehanizaciju imaju da nam se ovo nebi ponavljalo.

Herceg J.-HL

- Glavni problem je bio taj što je JKP „Radovina“ imala samo jedan stroj koji je bio adekvatan za ovakav snijeg (Volvo utovarivač)
- Iz svega ovoga trebamo izvući pouku, trebamo nešto preduzeti kada nam se ovakve stvari dešavaju

Idrizović Dž.-SDA

- Samo bih spomenuo, možda je to više za Civilnu zaštitu, imamo problem ledenica koje bi trebalo da se uklone da nebi neko stradao
- Mogu da kažem da su sami građani krivi za neke dionice što nisu očišćene iz razloga što mašine nisu mogle proći zbog parkiranih auta u tim ulicama

Manjgo R.-SDA

- Kod nas u Privoru su putevi dobro očišćeni
- Interesuje me zašto ljudi odustaju na ovim tenderima, moje mišljenje je da odustaju jer ime se neisplati održavanje tih puteva u zimskom periodu
- Slažem se da se trebaju odrediti prioriteti za čišćenje

Žuljević I.-replika

- Replika Manjgo R. a malo i Idrizović Dž. , gospodine Manjgo vi spominjete samo Privor, smatram da bi trebao malo suosjećati i sa drugim mjesnim zajednicama. Ždrimci su bili 48 sati odsječeni od svega
- Ne bih se složio sa Idrizović Dž. da su i građani odgovorni. Možda su odgovorni u samom centru grada, bližoj okolini ali sigurno nisu krivi u ruralnim mjesnim zajednicama, građani bi morali snijeg po kilometar lopatati. Smatram da je sramota da se trebaju tražiti „veze“ da bi se neki put očistio

Čaušević S.-Općinski načelnik

- Sredstva koja mi planiramo za zimsko održavanje puteva u iznosu od otprilike 100 000,00 KM, kada uzmete dužinu puteva koji se održavaju, dobijemo da se po sezoni za 400,00 KM održava jedan kilometar puta
- Uvodili smo mi i druge izvođače, jednu godinu dođu, odrade čišćenje i više se nikad ne

prijavljuju

- Svi oni koje je u svom izlaganju pomenuo I. Posavac imali su priliku da se jave ali to nisu učinili, neznamo dali su ti ljudi registrovani.
- Moramo znati da su naše ulice uske, područje naše općine potpada pod brdsko planinski kraj
- Mehanizacija koju imaju naša JKP „Radovina“ i „VIK“, kada je visina snijega odprilike četrdeset i više centimetara se nemože gurati sa ovim normalnim ralicama koje oni imaju, to se može raditi kada je visina snijega do dvadeset centimetara
- Razmišljali smo dali da proglasimo stanje prirodne nesreće zbog sniježnih padavina. U dogovoru sa izvođačima i uvođenjem drugih izvođača to nismo uradili jer smo smatrali da za neka 3-4 dana možemo odraditi posao čišćenja snijega
- Putevi za sva naseljena mjesta su prohodni, možemo diskutovati dali su dobro očišćeni ili ne
- Na pojedine putne pravce (prema Bistrici, Ždrimcima, Privoru) angažovali smo „Gredera“ firme „Tojaga“ koja radi rekonstrukciju „Gradske ulice“, kao i mašinu „Skip“ firme „Rudnici gipsa“ koji je čistio put prema Uzričju i u ulici Kralja Tomislava i na drugim putnim pravcima gdje ga je Nadzorni organ rasporedio
- Jači izvođači neće da se prijave na ove naše tendere jer su u pitanju mala sredstva, nemaju oni adekvatnu mehanizaciju za ovaj naš brdsko planinski kraj (jedne godine firma „Dogić“ je čistila puteve u MZ Privor, građani su bili prezadovoljni ali je direktor firme rekao da se više neće javljati na tendere čišćenja snijega, jer mu se finansijski neisplati)
- Slažem se da se trebaju odrediti ulice koje su prioritet i koje se trebaju prvo čistiti
- Možda bi trebali razmišljati o nabavci još dva „Ulta“ to bi bilo za nekih 360 000,00 KM i onda bi mogli adekvatno odgovoriti na problem zimskog osržavanja puteva

Krajina M.-predsjedavajući OV-a

- Dajem na usvajanje sljedeći Zaključak: Prihvata se Informacija o stanju i održavanju putne infrastrukture na području Općine Gornji Vakuf-Uskoplje u 2018. godini, Službe za lokalni razvoj i stambeno-komunalne poslove Općine Gornji Vakuf-Uskoplje

Zaključak o Informaciji o stanju i održavanju putne infrastrukture na području Općine Gornji Vakuf-Uskoplje u 2018. godini, Službe za lokalni razvoj i stambeno-komunalne poslove Općine Gornji Vakuf-Uskoplje usvojen je sa većinom glasova (19 „za“, 1 „suzdržan“, 1 „protiv“)

Ad. 10.

Informacija o stanju u osnovnom i srednjem obrazovanju na području općine Gornji Vakuf-Uskoplje.

Matijanić B.-ispred izvjestioca

- Dao je kratko obrazloženje Informacije o stanju u osnovnom i srednjem obrazovanju na području općine Gornji Vakuf-Uskoplje.

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 17.12. 2018. godine razmatrala Informaciju o stanju u osnovnom i srednjem obrazovanju na području općine Gornji Vakuf-Uskoplje, prihvata je predloženom obliku te predlaže Općinskom vijeću da je usvoji

Krajina M.-predsjedavajući OV-a

- Dajem na usvajanje sljedeći Zaključak: Prihvata se Informacija o stanju u osnovnom i srednjem obrazovanju na području općine Gornji Vakuf-Uskoplje

Zaključak o Informaciji o stanju u osnovnom i srednjem obrazovanju na području općine Gornji Vakuf-Uskoplje usvojen je sa većinom glasova (20 „za“, 1 „suzdržan“, 0 „protiv“)

Ad. 11.

Prijedlog Odluke o prodaji zemljišta u državnom vlasništvu EIG produkt d.o.o. Donji Vakuf.

Sofić O.-ispred predlagača

- Dao je kratko obrazloženje prijedloga Odluke o prodaji zemljišta u državnom vlasništvu EIG produkt d.o.o. Donji Vakuf

Diskusije:-

Prijedlog Odluke o prodaji zemljišta u državnom vlasništvu EIG produkt d.o.o. Donji Vakuf usvojen je sa većinom glasova (18 „za“, 0 „suzdržanih“, 3 „protiv“)

Sjednica završena u 11³² sati.

SEKRETAR
Prijić Senad

ZAPISNIČAR
Redžić Hidajet

PREDSJEDAVAJUĆI
OPĆINSKOG VIJEĆA
Krajina Marinko